



ODLUKA
O DODJELI NAGRADE „SARAJEVSKA PAHULJICA“
(prijedlog)

Predlagač: Komisija za izbor i imenovanja
Obrađivač: Gradska služba za Gradsko vijeće

Sarajevo, mart 2018. godine



Na osnovu člana 26. stav 1. tačka 18. Statuta Grada Sarajeva («Službene novine Kantona Sarajevo», 34/08), te na osnovu člana 10. Odluke o priznanjima i nagradi Grada Sarajeva («Službene novine Kantona Sarajevo», broj 34/10, 14/14 i 31/14), Gradsko vijeće Grada Sarajeva na sjednici održanoj , donijelo je

(prijedlog)

ODLUKU
O DODJELI NAGRADE „SARAJEVSKA PAHULJICA“

Član 1.

Dobitnik *Nagrade „Sarajevska pahuljica“* je *Ismail Zulfić* za ostvaren izuzetan uspjeh na takmičenju u oblasti sporta.

Član 2.

Nagrada se dodjeljuje u obliku diplome uz novčanu nagradu, a uručuje je Gradonačelnik na Svečanoj sjednici Gradskog vijeća Grada Sarajeva.

Član 3.

Ova Odluka stupa na snagu danom donošenja, a objavit će se u «Službenim novinama Kantona Sarajevo».

PREDSJEDAVAJUĆI GRADSKOG VIJEĆA

Dr. Igor Gavrić

Broj: 01-GV-02- /18

Datum: godine

OBRAZLOŽENJE

PRAVNI OSNOV

Pravna osnova za donošenje ove odluke je sadržana u članu 26. stav 1. točka 18. Statuta Grada Sarajeva (Službene novine Kantona Sarajevo, broj 34/08) koji utvrđuju nadležnost Gradskog vijeća za dodjeljivanje nagrada i priznanja Grada Sarajeva.

Odlukom o priznanjima i nagradi Grada Sarajeva («Službene novine Kantona Sarajevo», broj 34/10, 14/14 i 31/14) u članu 5. i članu 10. utvrđena je Nagrada “Sarajevska pahuljica” i propisani su subjekti koji mogu biti dobitnici ove nagrade, sadržaj Nagrade i uvjeti za njezinu dodjelu, a članom 16. uručivanje Nagrade na Svečanoj sjednici Gradskog vijeća.

RAZLOZI ZA DONOŠENJE ODLUKE

Gradsko vijeće Grada Sarajeva, na prijedlog Komisije za izbor i imenovanja, dodjeljuje ovu nagradu mladim osobama u životnoj dobi do navršениh 30 godina starosti, te redovnim učenicima i studentima sa područja grada Sarajeva, kao pojedincima i grupama, koji su ostvarili izuzetne rezultate na očuvanju i unaprijeđenju općedruštvenih vrijednosti, kao i u nastavnim i vannastavnim aktivnostima (borba protiv droge, nasilja u porodici, svih vrsta diskriminacije; zalaganje za mir, suživot, demokratiju; postignuti uspjesi na takmičenjima u oblasti nauke, kulture, sporta i sl). „Sarajevska pahuljica“ dodjeljuje se u obliku diplome, uz novčanu nagradu čiju visinu utvrđuje Gradonačelnik na početku svake budžetske godine.

Sastavni dio obrazloženja je prijedlog kojim je gradski vijećnik Vibor Handžić kandidirao imenovanog za dobitnika ove nagade.

Komisija za izbor i imenovanja je razmotrila dostavljeni prijedlog gradskog vijećnika Vibora Handžića i utvrdila Prijedlog Odluke o dodjeli Nagrade „Sarajevska pahuljica“, te ga upućuje Gradskom vijeću na razmatranje i usvajanje.

PREDLOŽENA RJEŠENJA

Članom 1. se imenuje dobitnik Nagrade „Sarajevska pahuljica“

Članom 2. se navodi da Nagradu uručuje gradonačelnik Grada Sarajeva na Svečanoj sjednici Gradskog vijeća Grada Sarajeva, te da se Nagrada uručuje u obliku diplome uz novčanu nagradu.

Članom 3. se određuje stupanje na snagu odluke i obaveza objavljivanja u „Službenim novinama Kantona Sarajevo“.

SREDSTVA

Sredstva za realizaciju ove odluke planiraju se u Budžetu Grada Sarajeva, a o visini Nagrade odlučuje Gradonačelnik u skladu sa članom 10. Odluke o priznanjima i nagradi Grada Sarajeva.



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Sarajevo, 20.03.2018.

Gradsko vijeće Grada Sarajeva
Vibor Handžić

BOSNA I HERCEGOVINA
FEDERACIJA BOSNA I HERCEGOVINA
GradSarajevo
Služba Gradskog vijeća
Komisija za izbor i imenovanja Gradskog vijeća Grada Sarajeva

Predmet: Prijedlog za dodjelu nagrade "Sarajevska pahuljica"

Poštovani,

Ovim putem, u skladu sa članom 10.(Sarajevska pahuljica), i članovima 12.-16. (Postupak predlaganja, donošenja Odluke i dodjele priznanja i nagrada) Odluke o priznanjima i nagradi Grada Sarajeva, kao gradski vijećnik, ispred Kluba gradskih vijećnika Naše stranke, predlažem da se nagrada **Sarajevska pahuljica dodijeli Ismailu Zulfiću**, za promociju Grada Sarajeva i ostvarene rezultate na takmičenjima u oblasti sporta.

Obrazloženje:

"Sarajevska pahuljica" je nagrada koja se dodjeljuje redovnim učenicima i studentima sa područja grada Sarajeva, kao pojedincima i grupama, koji su ostvarili izuzetne rezultate na očuvanju i unapređenju općedruštvenih vrijednosti, kao i u nastavnim i vannastavnim aktivnostima (borba protiv droge, nasilja u porodici, svih vrsta diskriminacije; zalaganje za mir, suživot, demokratiju; postignuti uspjesi na takmičenjima u oblasti, nauke, kulture, sporta i sl.).

Ismail Zulfić je dječak sa invaliditetom, rođen bez obje ruke i jednom deformisanom nogom. Međutim, to ga nije spriječilo da na polju sporta bude ambasador Bosne i Hercegovine, na najbolji mogući način. Član je Plivačkog kluba SPID iz Sarajeva, koji je jedini plivački klub za osobe sa invaliditetom u BiH. Ismail je, sa samo 6 godina starosti, u maju prošle godine, osvojio zlatnu medalju u Zagrebu, na 9. Regionalnom prvenstvu u plivanju za osobe sa invaliditetom, što zaslužuje svako poštovanje.

Najmanje što možemo učiniti kao institucija Grada Sarajeva je odati priznanje i dodijeliti nagradu ovom dječaku. Također, Plivački klub SPID iz kojeg Ismail dolazi, je ove godine nominovan za Plaketu Kantona Sarajevo, te bi na taj tako na najbolji mogući način uvezali i zaokružili ovu priču.

Sa poštovanjem,

Vibor Handžić, s.r.

Predsjednik Kluba gradskih vijećnika Naše stranke